



ŪMĪRĪRU TU THĪINIĪ WA KRISTŪ



“Ũndũ ũrĩa nĩ ngwenda-rĩ,
nĩ kũmenya Kristũ, na
menye hinya wa kũriũka
gwake, na ngwatanĩre nake
mĩnyamaro-inĩ yake, na
haanane nake ũhoro-inĩ
wake wa gũkua, 11nĩguo
kũngĩhoteka, ngaariũkio
nyume kũrĩ arĩa akuũ”

Afilipi 3:10, 11, NKJV





Afilipi nĩmooĩ njĩra ya ũhonokio, ta ũrĩa Paŭlũ na Sila merĩte weega ũmwe wa arĩa magarũrũkĩte mbere itũũra-inĩ rĩu: mũikaria wa korokoro (Atũ 16:30-31).

Rĩu tondũ kanitha nĩ warũgamĩte no ũkomĩrĩra, marĩ na ũgwati wa gũteeo meherio njĩra-inĩ ya ũhonokio.

Nĩũndũ wa gĩtũmi kĩu, Paŭlũ akĩmaririkania itũgĩ iria arĩ cio mũthingi wa ũhonokio nĩũndũ wa gwĩtĩkia.




Tũmaũndũ twagũtũma tũtigate ũhonokio:

- ◆ Kĩrĩa tũngĩeherera (Afilipi 3:1-3)
- ◆ Kĩrĩa gĩtige na thutha (Afilipi 3:4-6)
- ◆ Kĩndũ kĩrĩa kĩa bata (Afilipi 3:7-8)



Tũmaũndũ twagũtũma tũtũrie ũhonokio:

- ◆ Wĩtĩkio wa Kristũ (Afilipi 3:9)
- ◆ Kũmenya Kristũ (Afilipi 3:10-16)




TŪMAŪNDŪ TWAGŪTŪMA
TŪTŪŪRIE ŪHONOKIO

KĪRĪA TŪNGĪHERERA

“Mwĩmenyagĩrĩrei andũ acio mahaana ta magui, o acio mekaga maũndũ mooru, na arĩa metemengaga mĩĩrĩ” (Afilipi 3:2)

Mbere ya kwarĩrĩa mogwati marĩa mekĩraga wĩtĩkio guoya, Paũlũ ambire kũmahe ũtaari: “kenagai thĩinĩ wa Mwathani!” (Afil. 3:1a). Nginyanagia hau akĩongerera ũndũ ũngĩ wa bata: nĩ wega gũcokagĩra ma ĩrĩa twĩ nayo, o na angĩkorwo nĩ tũmĩũĩ weega (Afil. 3:1b).



Kwamũkĩra tha Ciake (Thab 31:7)

Kũiga mwĩhoko witũ thĩiniĩ Wake (Thab 5:11)

Kwamũkĩra irathimo cia ũhonokio (Thab 9:14)

Kũnyiita watho wa Ngai (Thab 119:14; Isaiah 58:13, 14)

Gwĩtĩkia Kiugo Gĩake (Thab 119:162)

Kũrera ciana na ũ-Ngai (Thim. 23:24, 25)

Tũngĩkena atĩa thĩiniĩ wa Mwathani?



Paũlũ orotire atĩ ũgwati ũrĩa mũnene wekĩraga kanitha guoya ihinda-inĩ rĩu: arutani a maheni arĩa marutanaga na kinyi ũrũmia wa mawatho ma ciathĩ (Afil. 3:2). Orotagĩrĩria ũndũ ũyũ na maũndũ matatũ matiganĩne: maguui (Thab. 22:16; 2 Pet. 2:21-22); eki maũndũ moru; na etemengi mĩĩrĩ (kũhĩtũkĩra iruwa).



KĪRĪA GĪTIGE NA THUTHA

**“Nīgũkorwo nĩ ndaruithirio ndĩ na ũkũrũ wa thikũ inyanya, na ndĩ wa rūciarō rwa andũ a Isiraeli, na wa mũhĩrĩga wa Benjamini, na ndĩ Mũhibirania waciarĩtwo nĩ Ahibirania. Ha ũhorō ũkonĩĩ watho-rĩ, ndĩ Mũfarisai”
(Afilipi 3:5)**

Rĩrĩa marĩ Kanjũ ya Jerusalemu, nĩ gwaũtũtwo atĩ Andũ a Ndũrĩrĩ matikae kũigĩrĩrwo mũrigo ũkonĩĩ mawatho makonĩĩ ciathĩ cia Ayahudi. (Atũ 15:19-21). No ningĩ, arutani amwe nĩmokĩte Filipi na makarutana bata wa iruwa (Afil. 3:2-3).

Gũcoka na thutha wa mahinda, Paũlũ akĩmaririkania ũrĩa akinyanĩire rĩrĩa atariĩ ta arutani acio (Afil. 3:4-6):



**Aruithĩtio
thikũ ya
kanana;
mũriũ wa
aciari erutĩri**



**Mũhibirania
wa
Ahibirania;
mũ-
Benjamini**




**Ha ũhorō wa
watho, arĩ
Mũfarisayo**



**Ha kwĩrutĩra,
anyariraga
kanitha**



**Ūtahutĩkaga
akĩgitĩra Watho**



No etĩyagĩra ũndũ ũcio mbere ya kũmenya Jĩsũ. No rĩu nĩ amenyete ndakoretwo ataũkĩrwo nĩ Watho (Mt. 5:21-22). Rĩu nĩ arĩkĩtie kũmenya atĩ no Kristũ ũhonokanagia (Afil. 3:7).

ŨNDŨ ŨRĨA WA BATA

“No rĩrĩ, maũndũ mothe marĩa ndaatuaga atĩ maarĩ na uumithio kũrĩ nĩ-rĩ, rĩu ndĩmonaga marĩ ma tũhũ nĩ ũndũ wa kũgĩa na Kristũ” (Afilipi 3:7)

Paũlũ akĩringithania ũtũũro wake ũrĩa wahĩtũkĩte na ũrĩa aikaraga thaa icio. Mwena-inĩ ũmwe, akĩgĩrĩra ũgĩ wake wothe; ũtũũro wake ũkĩte ta njata ta thukuru-inĩ wa Gamariel; ũgemu wa goro iheo-inĩ cia Kĩfarisayo. Ciothe rĩngĩ.

Rĩu, mwena ũcio ũngĩ wa ratiri ũigĩrĩre ũtũũro wake kuma atũngana na Kristũ. Baita wake wothe ũgatuĩka kĩndũ tũhũ, nĩ tondũ gũtirĩ kĩndũ kĩngĩigananio na wendo wa Kristũ (Afil. 3:7-8).



Nĩkĩĩ kĩngĩkorwo gĩ kĩa goro makĩria gũkĩra muoyo wa tene na tene na thĩiniĩ wa thĩ njerũ? No ningĩ, maũndũ ma thĩ matumumagia aingĩ matikone ũma ũyũ. Nĩ kũrĩ macindano gatagatĩ ga indo iria ituuagwo cia bata gũkũ thĩ na kĩrĩa Igũrũ rĩkagĩrĩra kũna: mũtugo ũtũkĩtie wa Kristũ na ũhonokio wa muoyo.

TŪMAŪNDŪ TWA GŪTŪTŪRIA
ŪHONOKI-INĪ

WĪTĪKIO WA KRISTŪ

“na ngoragwo ndĩ thĩinĩ wake, itarĩ na ũthingu wakwa mwene ũrĩa uumanaga na watho, no ũkorwo arĩ ũthingu ũrĩa uumanaga na gwĩtĩkia Kristũ; ũguo nĩ kuuga, ũthingu ũrĩa uumaga kũrĩ Ngai, na wonekaga na ũndũ wa gwĩtĩkia” (Afilipi 3:9)


Paŭlũ, ena ũmĩrĩru thĩiniĩ wa ũthingu wake mwene, agĩthĩĩ Damesiki kũrehe aregani a gĩkundi kĩrĩa kĩeĩtaga kĩa “Njĩra” agĩcokie o rĩngĩ gacĩra-inĩ ka ũhonokio (Atũ 9:1-2). No aingĩrire Damesiki atoretio nĩ ũthingu ũngĩ, ũthingu wa Ngai: na wonekaga na ũndũ wa gwĩtĩkia Kristũ” (Afilipi 3:9).

Kuma hau gũthĩĩ na mbere, ndehokire rĩngĩ ũthingu wake mwene. Nĩ tondũ nĩ tũhũ kwĩhoka ciĩko ciitũ twĩgwaĩre ũhonoiko (Agal. 2:16).

Akĩnyotera o “akoneka thĩiniĩ wa [Kristũ]” (Afil. 3:9). Nĩ ta kuuga atĩa ũũ?



Kũringana na 1 Akorinitho 1:30, gũkorwo “thĩiniĩ wa Kristũ” gũthiũrũrũkagĩria ũndũ wothe ũrĩa ũkonainie na Mũbango wa ũhonokio, kuuma kĩroko kĩa ũgĩ witũ wa kĩroho (waara), kũhĩtũkĩragũtuĩrwo kĩhooto nĩũndũ wa wĩtĩkio (ũthingu) na kũharĩrio nĩũndũ wa igũrũ (gũtherio), nĩguo, kũrĩkĩrĩa, gũkumithio Rĩũka-inĩ rĩa Kerĩ (gũkũrwo).



KŪMENYA KRISTŪ

“Ūndũ ũrĩa nĩ ngwenda-rĩ, nĩ kũmenya Kristũ, na menye hinya wa kũriũka gwake, na ngwatanĩre nake mĩnyamaro-inĩ yake, na haanane nake ũhoroinĩ wake wa gũkua” (Afilipi 3:10)



Tũngĩmenya Kristũ atĩa (Afil. 3:10-16)?



Rĩrĩa tweruta Kiugo Gĩake

Rĩrĩa twatongorie ni Roho Mũtheru

Rĩrĩa twagayana kũnyamario Gwake

Rĩrĩa tũrakahĩrĩa karũrigi ka ũhotani



ũtũũro wa ũkristũ nĩ ta kũhanyũka. No mũhaka tũkorwo na ituua rĩa ũhotani thĩiniĩ witũ. Tũtitũraga tu gũkũ o tũkenere o ũguo gũkorwo muoyo ũyũ. Tũkoragwo na mwĩhoko wa gũkinyĩrĩa kũriũkio kwa arĩa akuũ (Afil. 3:11).

Nginyanagia ihinda rĩu rĩkinye, tũgiginyanaga nĩguo “nĩgeetha ndĩnyiitĩre o ūndũ ũrĩa ndanyiitĩirwo nĩ Kristũ Jesũ” (Afil. 3:12 NIV). Jĩsũ nĩehotanĩire nĩ nĩguo ahe itũũra; kĩheeo; ũtũũro ũtathiraga wa gũtũũra Nake (Ahib. 11:10; Afil. 3:14; 1Athes. 4:17).



“Gītūmi kīnene kīrĩa kīahinyagĩrĩria Paũlũ gũthiĩ na mbere ũthiũ-inĩ wa moritũ na mathĩna kīagĩrĩrwo gũtongoria Mũkristũ woothe kwĩrutĩra e wotho ũtungata-inĩ wa Ngai. Magucĩrĩria ma thĩ nĩ marĩonanagio nĩguo meherie meciria make harĩ Mũhonokia, no nĩ ehinyĩrĩrie arorete ũhotani-inĩ, akĩonania kũrĩ thĩ, kũrĩ araiika, na kũrĩ andũ atĩ mwĩhoko wa kuona ũthiũ wa Ngai nĩ mwagĩrĩru gwĩkĩrĩrwo kĩyo gĩothe na magongona moothe marĩa kwĩgwatĩra mwĩhoko ũyũ kũngĩtia.

Mũrutwo ũrĩa wĩ thĩ mũno wa Kristũ no atuĩke mūtũũri wa igũrũ, mũgaai wa Ngai wa kĩheeo gĩtabuthaga.”